



ANTARA jemaah dan pelajar yang hadir dalam program Malam Cinta Rasul.

Kelab Surau Ibnu Khaldun dan FPEP anjur Malam Cinta Rasul

UB 3.1.2019 B2

KOTA KINABALU : Kelab Surau Ibnu Khaldun dengan kerjasama Persatuan Mahasiswa Perniagaan, Ekonomi, dan Perakaunan, Fakulti Perniagaan Ekonomi dan Perakaunan (FPEP), Universiti Malaysia Sabah (UMS) mengadakan program Malam Cinta Rasul buat kali kedua bertempat di Dewan Kuliah Pusat 1, UMS.

Dekan FPEP, Prof Madya Dr Raman Noordin melahirkan rasa syukur atas kejayaan Kelab Surau Ibnu Khaldun sesi 2018/2019 melaksanakan program Malam Cinta Rasul

buat kali kedua.

Program yang diadakan pada 29 November 2018 dan mendapat sambutan yang agak memberangsangkan daripada siswa/siswi UMS.

Seramai lebih 369 orang menghadiri program ini yang dirasmikan oleh Dr. Raman Noordin serta Mohammad Zafri Bin Mohammad Hisham selaku pengarah program merangkap pengerusi Kelab Surau Ibnu Khaldun bagi sesi 2018/2019.

Dr. Raman juga ingin mengucapkan terima kasih kepada Ustaz Mahadi

Muchtar atas ceramah yang disampaikan bertajuk "Dicintai dan Mencintai", ahli jawatankuasa yang terlibat dalam menajankan program khususnya daripada Kelab Surau Ibnu Khaldun dengan kerjasama Persatuan Mahasiswa Perniagaan, Ekonomi, dan Perakaunan serta para peserta yang sudi hadir.

Semoga program kerohanian seperti ini akan terus subur di bumi UMS dan melahirkan siswa/siswi yang seimbang dari sudut agama dan intelektual, katanya.